

- Phlegia scit mater, volucris color unde sit ater.
 Veris ut ad dotes sua transtulit astra Bootes,
 Armiger ipsa Jovis propriis super insidet ovis,
 140 Que quia plus fervet, contendit ut edita servet,
 Ne sint majore velut absorbenda calore.
 Ergo cauta satis lapidem fert frigiditatis;
 Hunc pia formido consuevit ponere nido,
 Quo semel inbuta redduntur pignera tuta,
 145 Nec tam formosus lapis est hic quam pretiosus.
 Jam volucres pandam, veris spetiem memorandam,
 Ut tanti noris quantum sit pondus honoris.
 Que vivunt rapto volucres, si vera coapto,
 Non fatiunt ullos nisi certo tempore pullos.
 150 Observat pignus pietatis aquas prope cignus,
 Ad nidum letus sedet in ramis alietus,
 Turtur cum fulica, cum pico denique pica,
 Vultur, cardwellus, turdela, parix, amarellus.
 Haud Arethusa tace milvum cum nicticorace,
 155 Et cum pavone, psitaco, mergo, strutione,
 Turdum, perdicem, sparalum, rurlen et oricem,
 Sturnum, bubonem, simul et vespertilionem.
 Ut ver inducas, constanter cucule cantas,
 Sed cito desistis, ad cetera tempora tristis.
 160 Inservire feris, quibus est lascivia veris,
 Hic me converto, quas tempore canto reperto.
 Jam fetu plenam solvit Lucina leenam,
 Et quod non rarum, partus jam solvit equarum.
 Frixi sub stella ludit lasciva capella,
 165 Balatus magnos humiles dare percipis agnos.
 Cervorum soboles et vulpis adultera proles,
 Frixeum vellus imitatur uterque tenellus.
 Veri, res nota, novus astat rinocerota,
 Quos formidantes ad aquam pariunt elefantes.
 170 Tigris seu parda non sunt animalia tarda,
 Quorum jam parva soboles spatatur ad arva.
 Urse duntaxat uterum par gratia laxat.
 Tu lupa crudelis, rudibus par scema camelis
 Fetum producis vernalis tempore lucis.
 175 Fert bona Lucina fessis uteris medicina:
 Inperiosa dea, plus vere vicens, Citharea,
 Ut rursum venter tumeat, facit inpatienter.
 Quid taceam nemora? que sic vestit brevis hora,
 Ut qualemcunque capiant heriumque deumque,
 180 Qui tanquam viso delectentur paradiso.

161 canto ist unsicher, weil der obere Theil der Zeile abgeschnitten ist.
 175 medicina als pl. n. ist durch den Reim geschützt.